

吟

風

閣

灌口二郎初顯聖

南中

菊花新

小旦扮二郎神領侍從上

麒麟汗出

血

血流紅天產奇男續禹功本色是英雄只看俺幼

年行動

走馬一道烟吹劍一口氣游戲到人間諸神且

迴避吾乃蜀郡太守之子李二郎是也只因這

廂江水泛漲傷害居民俺爹爹臨江率衆開鑿

離堆急切不能回府俺鎮日在書房看書納悶

趕此帶了奴婢們架鷹牽犬偷出府下喚同了

郭伸直健兩將軍一逕到山前打圍須要不一
時打了無數山禽野獸小的們你看山坡平厰
可就此席地班荆割鮮野饗灑落他一回者

馱環着合看風吹草動看風吹草動飛走潛蹤調
虎離山呼猿出洞鷹犬一時齊縱把四面江山只
佈個小圍場周遭收攏偏搜得禽堆邱壘歡笑煞
聞烹龍鳳流星彈寶雕弓雨血風毛地搖山動

小旦就此坐下吹彈歌唱起來衆公子見獵心
喜自然對酒當歌小旦就把酒爲題唱的唱飲

酌飲衆有理。雜待我來。大家聽者。起立搖櫓唱。
岳陽樓上呀。醉的不分明。白牡丹花。照子個洞。
阿庭一盞拏來。一盞盡。不想活神仙。樓抱子個。
活妖阿精。請各一杯。飲介原來老仙。也是酒色。
之徒。小旦有酒此有色。有色此有財。有財此有。
氣。就將這四件爲題。各自道來。雜有酒此有色。
聽我道。起立拏巾扇唱。張生做事太風流。呀。今。
日央求。呀。明日央求。夫人聽見央打求。打央求。
肯干休。呀。那個牽頭。呀。一個丫頭。跳過粉牆猶。

自可呀。一半含羞呀。一半擔憂。跳不出時。擔打
憂。打擔憂。五更頭呀。官了私休呀。私了官休。請
各一杯。飲介。雜。有色此有財。聽我道。起立拏馬
鞭。唱。想他家。雄豪霸。滿園金谷春無價。綠珠樓。
綠珠樓上梳妝罷。珊瑚七尺輕敲下。你知道金
錢常在石崇家。誰知道。楮錢兒莫向他墳前掛。
請各一杯。飲介。雜。有財此有氣。聽我道。起立拏
漁鼓簡。唱。今古事難評。看將來。沒正經。有一個
三國周郎。忒聰忒聰明。有一個諸葛先生。闢智。

鏖兵。兩下兩下裏爭。一朝看破你情和性。他笑
道。非是我無情。只爲你心頭緊。逆火無明。按捺
不定。我但畧施小計。把一個有情有趣。千伶百
俐的周公瑾。偏得來死不明。活不成。賠了夫人
又折了兵。撇下了嬌滴滴的小喬娘子。青春年
少。成孤成孤另。一旦無常。枉自輕。呀呀呀。看將
來。沒正經。誰叫你來爭。誰叫你火星兒亂迸。你
但把自心來放平。你把自心來放平。天也平。地
也平。就是胡盧提。倒也倒也行。你要見分明。你

看那今來古往。七七八八。顛倒英雄。反事情。都要一般般。替他愁。替他惱。替他爭。你這書生。只怕你一肚皮。裝不下。這許多。腌臢。腌臢病。請各一杯。小旦。且住。我們出來頑耍。怕俺爹回衙知道。一面着人。到江邊打聽去者。雜應下。小旦。我們且把村醪野味。暢飲飽餐。大家受用。則個。衆有理。

前腔。合。靠江山。點衆。靠江山。點衆。斜倚雕弓。鐵綽銅琶。醉歌齊動。藉草分甘。受用與衆。言歡休道俺。

小。喬。才。不。知。尊。重。傳。笑。語。髻。丫。雙。擁。齊。喝。采。繡。鞍。
回。鞚。前。村。笛。牧。牛。童。年。少。偷。閑。一。般。喧。閤。

雜。揚。鞭。馳。上。星。忙。飛。騎。到。火。速。報。君。知。稟。爺。不
好。了。只。因。俺。爺。鑿。破。離。堆。壞。了。蛟。龍。窟。穴。那。江
中。龍。母。怒。恨。駕。起。風。雷。雨。電。尋。着。俺。爺。在。江。邊
廝。殺。又。有。他。龍。子。在。洙。水。中。出。來。接。應。甚。是。兇
猛。俺。爺。寡。不。敵。衆。看。看。不。濟。事。了。公。子。快。來。救
護。者。小。旦。有。這。等。事。

添。字。紅。繡。鞋。合。偷。將。閒。空。從。容。從。容。馳。驅。較。獵。正

稱雄稱雄。聞報道。信多凶。激得我怒忡忡。趁今朝
威風威風。快去戰羣龍。快去戰羣龍。

〔小旦〕待俺裝札起來。奴婢們快去回報夫人。俺
自救俺爹去也。〔奴婢下〕〔丑〕公子且住。那龍婆母
子都變化人身。與爺攪做一團廝殺。那龍婆母
子。角尖上掛的是碧綃。俺爺頭盔上掛的是紅
綃。切須看個明白。用計收擒。莫被他逃走了。〔小
旦〕我自理會得。憑他走上焰摩天。也要騰身趕
將去。就着你引路。〔丑〕當得公子。你雖然英勇。還

得添些人馬去好

尾聲小旦那用重添人馬衆何物鱗而一水蟲禁
得俺伏虎降龍天將種俱下

外扮李冰戎裝跑上血染團花舊戰袍幾番磨
洗不更刀石人泥馬皆流汗要顯屠龍手段高
我蜀太守李冰與業龍戰敗幾乎一命難逃如
今並無一路救兵如何是好龍婆龍子趕李冰
遶場下小旦挾彈兩將隨上

北正宮端正好閃江天迷昏曉陰風起平地波濤是

甚麼常鱗凡介都來到則索的把冤讐報

兩將可前去攔住他俺且閃在一邊等着他者

兩將得令下鷹犬遶場下

滾繡毬

小旦

只見那閃屍屍雷電交半空中張牙

露爪他害生靈須不是兩遍三遭又聽得怒騰騰
風雨號俺這裏搖旗放砲潑泥鰍只欠他萬剛千
刀可怪那風雷丁甲無分曉反助着下劣修羅氣
勢高困住賢豪

業龍母子李冰又厮殺上二郎截殺放彈縱鷹

大業龍傷敗、兩將擒縛介。小旦且喜業龍拏住、手下可押到營盤聽令。衆應下。李冰帶敗兵上、虧得孩兒攔住他來路方纔得到此間。但不知孩兒勝負如何。小旦上不施萬丈深潭計、怎得漁翁下釣臺。爹爹可曾受傷。孩兒已將那厮母子拏下、請爹爹處治。外那業龍甚是兇惡、且問你怎生擒得住他。小旦爹爹聽稟、孩兒知道的。制禽在氣、那蛟龍最怕鐵氣。孩兒把一個鐵彈丸、望空打去、正打着了那龍婆左眼、又筭定辰

戊相冲把細犬放去咬下他額下明珠。他就不
能動彈了也。

小梁州俺則爲血戰元黃氣不銷。刺斜裏手起丸
拋。滴溜溜正中他眼兒胞。飛不了血淚染碧鮫綃。

外那龍子又是怎麼拏下的。小旦那龍子是一
條小蛟。但額上尺木成時。便能飛行變化。被孩
兒一彈丸打斷了他尺木。又被神鷹追趕。不能
落水。那蛟原是木畜。金木相犯。孩兒因此在空
中丟下黃金索子。一索子便把他套住了也。

么篇怕龍生九種都來到這其間點額而逃角木蛟空中弔便一天風雨飛不起那尾兒稍

〔外〕原來如此你與父報讐爲民除害不愧克家幹蠱之子我身帶有重傷這業龍旣是你收擒還是你去處治了罷〔小旦〕領爹爹嚴命請自回衙調治孩兒斬了業龍就來也〔外〕傳家自有降魔杵放馬先回卸甲村〔下〕〔小旦〕如今逆龍是拏下了你看這廂好一派源頭活水待我山厓上砍下劒痕數道沙灘上插下鉄杵一頭教他

蓄洩有方、永爲美利、擒龍鎮水、渾閑事、留與他
年作話傳、作法揮劍、揮杵介手下、可點起信香、
召江神來見、江神上衙內相召小神、有何法旨、
小旦江神聽者、這廂水害、都是你那江中蛟龍
作怪、吾奉父命擒拏、已經就縛、但這廝修煉多
年、神通廣大、人間刀劍、不能了結得他、吾當運
動先天祖炁、揮慧劍斬之、與你西川永除水害。
江神這廝合當梟首、但衙內威德並行、還當仰
體上帝好生、留他一命、聽憑衙內、如何驅使他

便了。小旦這厮惡貫滿盈，本該付斬龍臺上處治也罷。叫他聽吾法旨。江神善哉善哉。業龍速復原形，聽衙內法旨。小旦江神這事須交與你去擺佈。那龍婆與我鎖在離堆之下，要他約勒江波，深無至肩，淺無至足。盟山誓水，只此兩言。可立碑表記。如有違犯呵。

白鶴子有原拴的金鎖固，有永鎮的石犀高。但還劣性再蹊蹺，便灌的他鐵汁銅漿兒飽。

那小蛟着他與我攻開東岸分水江內，灌住農

田使千里荒蕪變成沃野、永爲天府之土、就把
小蛟裝在寶瓶口內、着他守定水門、一吞一吐、
就像塞了海眼一般、你看當初禹王導水、水由
地中行、耐耐凡夫治水、水由地上行、地發殺機、
龍蛇起陸、吾有深淘灘、低作堰、六字口訣、付與
爾神傳示者、

快活三休教作的堰兒高、壅灘沙堦底要深淘、把
源頭活水散千條、遍西川看美滿知多少、

江神小神謹遵法旨、但如何深淺節度、還請衙

內明示以憑永遠奉行。小旦是不消你說。我有沙平水畫留在人間。憑你長落無常。我的規程早定。江神怎叫水畫。小旦你看山厓上有石痕。九道是我將寶劍砍下的。這就叫做水畫。這便是低作堰之節度。江神怎叫沙平。小旦你看沙灘上露出一頭鐵杵是我插下的。定底神鍼。這就叫沙平。這便是深淘灘之節度。上看水畫。下看沙平。但準量高低。隨時蓄洩。自然安瀾。永慶物阜民安。你聽我道。

要孩兒看夏王閭上支祁號鐵樹花開還早把三
山移過壓金鰲這功勲玉壘齊高俺自有劍分水
畫留千古你休把鐵作沙平動一毫合俺威靈到
只教他千秋萬載平長平消

江神你須不要放鬆了那業龍守吾法度吾當
告稟家爹勅令居民蓋造伏龍觀一座教你千
秋血食也江神領法旨帶業龍下小旦就此擺
隊回衙

尾聲俺只把禹王功開修好但施爲敢觀俺兒曹

小。古。魏。魏。有。誓。水。寫。碑。倚。天。表。

魏徵破笏再朝天

南仙

糖多令

小生上

家世大唐朝衣冠甲第高秉

忠良。編武非遙。圖畫凌烟遺像暗。誰補綴。袞龍袍。

下官魏謩。乃貞觀宰相魏徵後裔。國恩世澤。官

拜起居舍人。現列朝班。職居清要。想俺祖公公。

正直爲臣。遭逢聖主。當初在太宗皇帝駕下。瀝

胆披肝。知無不言。言無不聽。遂乃偃武修文。太

平致治。真個主聖臣直。千載一時。如今事隔二

百年。那朝天象簡。還供在祖先堂內。手澤如新。

豈不是一件鎮家之寶。今上聞知此笏尙存，特地宣召下官，因此親賁朝見，須索到宮門前去走一遭也。正是舊傳寵命王三錫，得覩天顏日再中。下

郎將上蓬萊宮闕對南山。御史上承露金莖霄漢間。內監上西望瑤池降王母，東來紫氣滿函關。昭容上雲移雉尾開宮扇，日繞龍鱗識聖顏。郎將我執戟郎官，御史我糾儀御史。內監我司禮內監。昭容我戶外昭容。合今日聖駕東巡，在

洛陽帳殿延見臣僚、須要整肅威儀者、**內**淨鞭
升帳殿介、**上**輦路生春草、上林花滿枝、憑高何
限意、無復侍臣知、可宣奏事官上殿、**昭容**中書
門下奏事者上殿、**外****上**天、上中台、正人間一品
高休明、值堯舜、勲業過蕭曹、臣平章軍國重事
晉國公裴度見駕、**上**卿有何奏章、**外**臣無奏章、
只爲久玷台司、舉朝公論、都道臣晚節浮沉、爲
自全之計、老臣有口難分、

調中呂

滿庭芳位極人臣、名高天下、孤忠頻蹈危機、

忘身憂國毫髮肯留遺。誰料浮沉晚節。到如今。進退皆非。瞞天地。聖朝無闕。自覺諫書稀。

上 上相元臣。坐而論道。調元贊化。自來無迹可尋。須知歷聖。憇遺朕心。簡在外。廷浮議。卿可不**必掛懷**。外聖主誠如天地。包含老臣。難免春秋責備。上不能格心致主。下不能盡諫極忠。知者謂臣晚節蹉跎。不知者反謂臣保身明哲。內揆臣分。俱所未安。方今雖邊圉未靜。藩鎮未平。幸新進多賢。不患無人簡用。老臣今日之意。非他。

奏爲衰老乞閑懇辭相位、念臣呵、

前腔換頭勲高非郭李。謬承隆遇功紀淮西。幸愚
孝愚忠都有天知。所願丹忱勵匪。奈侵尋衰病難
支。餘生在乞身綠野歌咏太平時。

上卿文武兼資。四朝元老。正欲借卿之重。鎮撫
四夷。卽如現在維州邊事。牛李是非。非卿誰定
者。外聖眷雖隆。臣衰恐悞國事。黃門官上奉駕
帖傳宣。魏徵的孫兒魏暮到。上宮門候旨。應下

上朕觀國史。先朝忠讜大臣。無如魏徵者。聞他

朝笏尙存。朕思其人。想見其笏。因此將他孫兒
召見。卿卽今之魏徵也。豈可遽圖便安。使朕闕
匡輔之美。外老臣衰耄。何敢望魏徵。那魏徵呵。
前腔換頭。忠良無與比。補天浴日。力贊危微。把草
昧乾坤。磐石成基。看取貞觀政要。論功勞。良相如
醫。無他技。十思十漸。所志格君。非。

自從魏徵亡後。遺直幾人。敢諫難。受諫也不易。
前腔換頭。良言偏逆耳。老成人去。誰與鱗批。對剩
水殘山。誰問瘡痍。只顧稱功頌美。一般般。全是虛。

脾圖恩遇天顏有喜那管是非

[上]受諫無今日臨危憶古人朕誦此詩每用三
歎卿可與朕同觀魏徵之笏此亦甘棠之比也
[昭容]常叅官奏事者上殿[小生上]太液天爲水
蓬萊雪作山今朝上林樹無處不堪攀臣起居
舍人魏謩見駕宜取先臣牙笏一張恭呈御覽
[呈上介]微臣昧死奏明這笏已非全璧上面有
破損舊痕數道[上]敢是你們收藏不謹[小生]此
笏之破非關別的乃是先臣當日諫伐高麗言

詞懇切失手在丹墀一擲而破從此缺角殘邊
君臣之分不終幾爲預兆臣聞貞觀之末太宗
銳意東征舉朝無人敢諫那時節呵

仙呂調

甘州歌皇圖八表正金甌無闕玉燭長調邊

烽罷警纔免四方征調怪無端不辭征戰苦自將
臨邊走這遭兵端起四海搖可憐箝口衆臣僚回
天力苦打熬獨將手版揔雲霄

上可有諫草留下

外

國史雖然不載但當日東

征事在得已彼未犯邊我非縱敵徒然勞我士

衆但爲前代報仇。即使泉蓋蘇文罪在不赦。但當調兵遣將。何勞御駕親征。逞志小夷。不足爲武。稍有蹉跌。所損實多。魏徵之言。諒不出此。小生丞相所言。猶如親見。當日呵。

前腔換頭。擎天一柱牢。幸太平刑措。安危難保。修文偃武。那更勝海征遼。忠言苦口。不憚勞。只見鵠立通明。連諫草。朝衣卸。象簡拋。竟留缺陷在。螭坳。可憐僅得瓦全。舊痕宛在。今日呵。收藏處。遺像好。宗臣冠劍。肅清高。

外臣觀魏徵獻替之忠可謂遭時遇主然而身歿之後骨肉未寒舊恩遽替奪婚削爵陪創墓碑幾乎從龍逢比干於地下言念及此實可寒心小生自古道忠臣不怕死怕死不忠臣先臣只是一心愛國遑恤其他上且問這番惱怒因何而起小生聖上這也非爲別的還是東征不肯將順含怒已深說起來其實可怕也

前腔換頭亡隋豎豈遙道傷痍纔起復番征討轉輸千里不顧萬姓疲勞由來常勝兵易驕怕賈勇

將他輕看了。箴規切忌諱。遭向來恩禮。一時拋身。雖沒恨。未消墓門。拽倒一長條。

上後來天心回轉。慰勞有加。把墓碑從新豎起。又因何事。事在何年。**外**待得棗兒甜口。已經橄欖酸牙。此事在魏徵亡後。已數年了。**小生**不是久後來。也不能表白。東征之役。起初一勇無前。誰知日後。師出無功。悉如所料。

前腔換頭。東征萬里遙。果損將威重。遲遲歸到那時。追悔方嘆。忠諫人遙。凌烟勲舊都漸消。歎笏在

人亡天不弔。休回首。魂暗消。一杯茶酒墓前澆。今何幸。得再遭。錦囊塵暗。聖明照。

上乃祖翊贊昭陵。忠貫金石。今留此笏。在家爲
栢棬之思。在國爲甘棠之愛。特賜卿番錦一端。
用作新囊盛貯。什襲而藏。留爲一段公案。卿宜
念祖聿修。毋怠厥職。**指裴介**雖無老成人。尙有
典型。卿當在朕左右。無廢箴規。以對揚我國家
丕顯休命。作謝恩介。**小生**直道從先進。貽謀啟
後昆。**外**敢辭黃髮老。留輔聖明君。**上**就此起鑾。

尾聲合但從今。交修好。風雲長在故家。喬可不道。
拜手明良舜繼堯。

上林花木盡蟠根。

猶見元勲五代孫。

紫陌朝天誰是伴。

各將忠赤報君恩。

動文昌狀元配瞽

外儒服上昔聞桂子月中落。今見天香雲外飄。
樓上誰觀滄海日。門前空對浙江潮。老夫延陵
舊族。世代書香。所喜小兒。今科發解。老夫要與
他完娶之後。北上公車。不料他原聘之女。忽然
兩目失明。這段姻緣。畢竟是美中不足。聞得親
家那邊。今日進城作賀。須索酒筵款待。在家等
候他者。末同丑扮媒人携聘禮上。末不如意事
常八九。丑可與人言無二三。來此已是見介合

令郎高中、特來賀喜。外小子年輕、真乃微倖之
極、遠隔鄉城、重勞貴步。末讀書食報、親族有光、
且將禮物放下。外既荷光臨、又蒙寵賜、何以克
當。丑笑介。這不是他家來的賀禮、還是你家去
的聘禮。外怎麼說。丑且坐定再講。貴親家此來、
你道爲何。一則賀喜、二則退婚、交還原聘哩。外
這話如何說。末親家休怪。從前小女許配賢郎、
原圖一雙兩好。豈料小女福薄喪明、已成廢疾、
賢郎恭喜、定當另選高門。因此上、邀請原媒、同

來告謝也

南正

普天樂論婚姻何曾誤相女兒方配夫奈嬌

娃殘廢中途好姻緣已成辜負怎教你娶個盲新婦教人到此難廻護更賢郎年少亨塗請另擇對門當戶須怪不得一朝發迹人心非古

外親家說那裏話且請奉茶丑親家親家賠酒

賠茶外且問令愛此疾因何而起末說起可憐

只因先荆病亡繼妻在室小女一心痛母遂至哭泣喪明

雁過聲。悲呼娘親早故。無明夜。心傷淚枯。更前親
後母。其間故。就有千般愁。萬般楚。端的向誰行訴。
枉鴛鴦繡譜。可憐更是瞎兒無淚苦。只怨他那生
的命兒孤。

外親家來意。可曾問過令愛。
丑誰教他有目無
目。自然該有夫無夫。
末女孩家有苦難言。他曾
向妳娘說過。

雁過沙。我一身兒。要人扶待。如何事。舅姑怎操井。
日親家務。忍教人爲我相擔誤。似我這樣兒呵。怎

教人不相憎惡。更是他青春年少得意皇都。

外說得可憐。但這是小兒終身大事也。須問他主意如何。**丑**引**外**同背介。不是我勢利。令郎年少高科。豈少良緣佳偶。今日之事。這村老兒倒也見機。你正好順水推船了。還有甚商量。**外**且等小兒出來者。**小生**上。一舉登科日。雙親未老時。父親有何吩咐。**外**我兒先與你丈人見禮。你丈人到此。一來賀喜。二來是悔婚。因他令愛喪明。却要我兒另配。你意下如何。**末**已經告稟令

尊原聘禮物都帶來在此。小生這是那裏說起。除非小婿有甚不才之處。合當見棄。若不是呵。傾盃序當初想人家女配夫嫁。雖不道從。雖誤只爲前世前生。注定姻盟。一絲定了。豈容輕負。他今不幸未嫁而贅。假若是過到吾門。漸生災苦。就是百病千痛。可說他不是吾家結髮婦。

岳父在上。如今既要改悔前盟。你把這在室之人。將來作何究竟。末無非是老漢養他終身便了。有何究竟。外自古道。女有三從。這不少了二。

從只在家從父的一從了。丑還只怕從不到老。
玉芙蓉小生這盲人何罪辜喪娘親又拆夫你教
他一世情誰看顧無非料量我心兒不固情知缺
陷由天數傍人觀也應憐其苦怎親夫反拚的將
他來厭惡

丑引小生同背介解元你前程遠大現在本城
內錢員外家賠奩萬貫李翰林之女才貌雙全
都在選壻招親不怕無人作合解元我道你書
中自有賢如玉何必區區戀故人小生呀你是

原媒怎倒說起這樣話來。這個斷難從命。外聽介聽我兒主見。不愧讀書人。待我再試他一試。轉介我兒差矣。你娶個瞎婦來家。不想我老夫妻没人奉侍麼。你就這般自做主張起來。丑從來婚姻大事。全憑父母之命。媒妁之言。自做主張。原使不得的。小生跪介父親在上。孩兒怎敢自做主張。只是這頭親事。

芙蓉樂盟緣非自圖。父言在當初。敢說孩兒大了。不由得父。外起來講。小生若怕蘋蘩有缺呵。他傷。

身痛母那般孺慕料移來婦道無驕妬若嫌他無目呵少甚麼賽羅敷明眸皓齒不賢的婦

外我兒既執意如此親家我們當得依他快把原聘收回不日就要登門請吉別話再休提了
末大媒你看世態人情像他父子們這樣有情有義的實在難得**丑**難得難得絮絮叨叨講得口渴**外**一面上起席來上席介孩兒與你丈人把盞大媒大量彼此當各奉他幾盃**丑**我道今日是離筵誰知却是合歡酒甚麼三盃兩盃大

家。暢。飲。則。個。醉。倒。介。末。賢。壻。你。今。雖。如。此。說。只。
怕。你。少。年。人。一。時。慕。義。久。後。來。你。在。富。貴。場。中。
諸。凡。不。便。翻。成。後。悔。哩。小。生。岳。父。也。忒。過。慮。了。
小。桃。紅。慮。將。來。非。盡。無。好。兒。郎。義。可。沾。奈。下。梢。到。
底。成。辜。負。我。看。接。木。移。花。縱。好。非。真。侶。若。還。悔。却。
塗。鴛。譜。甘。怨。曠。兩。下。裏。成。孤。

末。不。想。你。少。年。人。竟。恁。般。古。道。如。今。你。此。去。自。
然。金。榜。題。名。只。是。這。洞。房。花。燭。呵。慙。愧。慙。愧。呀。
怎。麼。這。大。媒。醉。倒。在。那。裏。了。不。用。驚。動。他。原。聘。

帶回老漢就此告別外
多多有慢末另日總謝
罷正是混濁不分鱣共鯉外
水清方見兩般魚

下

仙呂入
雙調

玉抱肚

生扮文昌帝君引天聾地啞上文

昌座下偏擺着天聾地啞儘教人去賣盡聰明聰
明悞不如瘖啞合人間萬事到頭來巧處差你看
天道還親盛德家

生頃奉上帝勅旨臨安解首不棄瞽妻重倫尙
義可選爲今科狀元以彰風化吾神便當奉勅

吟風閣

卷三

配瞽六

三

而行者

前腔。帽壓宮花。昨日今朝。魚龍變化。他只安心賣
盡痴呆。看何曾久居人下。合人間萬事到頭來。巧
處差。你看天道還親盛德家。

天顰把如意拍案下。丑驚醒介。奇哉怪哉。我方
纔做夢。見文昌帝君下降。說新科狀元就在這
裏。有這等樣事呀。怎麼他們賓主都不見了。還
不去待怎的。一心忙似箭。兩腳走如飛。

感天后神女露筋

宮南正

梁州令 旦上 一片江湖白鳥秋。正暑雨初收。

奈意慌偏覺步遲留。逢人難借問。趙一段夕陽愁。
何事小嬌娃。行行陌上花。晚來歸鳥盡啼殺。後
栖鴉。奴家路氏。名喚金娘。只因母親病在舅家。
心中十分疑慮。奴家同着嫂嫂。急忙奔向前來。
怎奈新秋雨過。路滑難行。看看日落西山。前途
尙遠。嫂嫂。趲行幾步上來者。副淨作跌上。新綉
花鞋刻幾分。一般喬樣欠溫存。濺泥不辨幫和

底十步行來九褪跟妹子你莫慌等着我者旦
嫂嫂你面上爲何花碌碌的副淨妹子我一條
手巾一把扇捏着腳來一頭汗一頭汗粉面界
成三道半我原說婆婆不打緊明日去罷了你
自寧耐不得如今前不巴村後不巴巷如何是
好旦嫂嫂休要埋怨正是在家千日好出外一
時難你看前面有個唱歌的孩子來了好向他
問路丑扮牧童唱上五月五蚊子生來出林虎
六月六蚊子成團飫蝙蝠七月七蚊子嘴頭硬

如鐵。八月八。蚊子肥來大如鴨。這裏叮一叮。那裏針一針。口裏還要細丁寧。細丁寧。他說世上希奇事。罕聞多年蚊子老成精。蚊子成精會吃人。旦小哥唱得好。前面過那溝的路。走得麼。丑這時候還問路。前面獨木橋頭。我們還是覓水過來的。副淨你聽如何。旦如今埋怨也是無益了。

雁魚錦何尤。是奴耽母憂。却匆忙不暇思前後。如今便相携那邊走。累你共崎嶇。兩躊躇。丑你看渡

船上的人也回去了。旦更無人野岸橫舟。三叉古
渡頭。副淨你道怎處。旦拚着我。今宵露處甘生受。
只看那暮鴉兒。揀甚枝頭宿。

嫂嫂事已如此。只好就此露宿一宵。更無別法
的了。丑呀。你們要在這荒草窩裏過夜。這廂蚊
子的利害。可知道麼。旦這廂蚊子。如何利害。丑
你聽我道。下邊生着蚊母草。上邊飛着蚊母鳥。
蚊母草。蚊母鳥。一苞結得萬花鷹。一口吐出千
飛豹。旦當真。丑還早哩。更有那打拳蛆。出水窪。

子子因風化他。嗜膚吃血無間。腰你若不怕他。草窠裏面是他家。夜做市。早徘徊。萬萬千千日。日加老來還要嘴。生花蓋在甕頭裏。鳴蛋殼上。眼如麻。放在房簷下。石臼頭上。也要叮個疤。昨夜我在家。土地廟中爬。爬淘出一斗夜明砂。副淨如此說。這裏料想熬不過。就煩小哥引路。到村庄裏人家。借宿一宵去罷。旦嫂嫂差了也。你我年輕婦女。怎好昏夜去投宿人家。斷使不得。

二犯漁家傲。停留莫漫奔投論。田家閨閫還須有。
艱難共守也。須防薄倖相遭偶。甚來由思親淚取。
甚來由防身要周。甚來由念衾裯。今夜休。
蚊子介。副淨妹子。你莫在這尋死哩。旦縱然委骨。
荒邱斷然不尋人保。那一頭只怕你船到江心。
難補漏。這一頭就是咱死守孤城一敵樓。

丑夜光下了。他成團的來了。還不去等甚麼的。
副淨小哥且住。煩你引着我。隨便借宿去。旦嫂
嫂同行不失伴。我只不放你去。副淨妹子。不是

我不陪你、是你不肯同去、明日來尋你罷、且拉
住副淨推跌走、又回顧介癡了頭、笑你忍死在
荒圯、做鬼也不風流、隨丑下、旦起哭介呀、你真
個撇下奴家去也、

二犯傾盃序凝眸、一片蘆洲望不見、白雲親舍誰
相救、作揮扇撲蚊介恨嫂無情、敢行多露、拋奴獨
自淚漬衣襟、知他好否、縱然無恙、到底是非難剖
咱、非是千金深屋藏嬌女也、強如冒耻褰裳過別
舟、

雜扮蚊神暗上吹蚊介旦呀這蚊虫果然利害得緊

喜漁燈犯如雷聚響亂遮星宿忙禁架輕執扇落
早力怯纖手作不住扇落地介謝流螢暗飛好似
分光照奴雙鬢幽這不是捨身施物前生債受多
少神針法灸端的至死方休情知是狂蜂浪蝶聞
香採誰教你白璧明珠向暗投

料想這一夜定然打熬不過的了。趑着掙扎得
起時且移向前行。但與我娘近得一步死也好。

呀。這高坡上。苦竹叢邊。恰好一片乾淨地也。

錦纏道。犯謾回首。病娘親。魂飛淚流。正割股。未能
酬反。普同供養。蚊蚋啾啾。算來我零星受罪。不過
倒不如慷慨捐軀的好。臭皮囊與君甚仇。小靈臺
自來無垢。勞斷送費綢繆。正是路逢險處。難迴避。
事到頭來。不自由。

我的母親。嗟。作投崖倒地介。雜扮土地上。我道
是痘殤女兒。原來是個癩疥菩薩。善哉善哉。寧
可貞潔死。不肯苟安生。路金娘。真露筋。只是這

些蚊子呵惡口傷人寔可憎。今日天如娘娘聖
駕過此。兩師灑道。風伯清塵。急切間。且把金娘
擡過屍身。伺候尊神過去。再行上奏天庭。虛下
呂南生查子。小旦扮天如侍從上。海上顯威靈。天一
羣神首。普渡世間人。伸出擎雲手。

吾乃天如聖母是也。來從水府。奏事天庭。經過
揚州地界。遙見一道怨氣冲天。不知是何事體。
當方土地何在。雜上小神叩見。本日有路金娘
子。探望母病。路阻邗溝。守節全貞。死於衆口。小

神正要啟奏、恭遇聖駕來臨、合當陳啟、聽候指
揮、小旦原來如此、你便去宣那金娘鬼魂來見、
雜領法旨、下旦上金娘鬼魂見娘娘聖駕、小旦
你可將枉死情由、一一奏來、

香柳娘旦爲娘親病起、爲娘親病起、踉蹌急走、奈
荒郊曠野、時將西、聚蚊聲似雷、聚蚊聲似雷、姑嫂
各薰蕕、獨自填仇口、碎紅顏、膚腠碎紅顏、膚腠似
針芒、箭頭文身刺繡、

妾身雖是田家之女、聞得身體髮膚、受之父母、

不敢毀傷。今遭此厄。百劫難消。合就尊神前領罪。小旦左右揭去他魂帕者。果然爲小醜所傷。額筋盡露。以身殉節。貞孝可嘉。你本是路姓金娘。吾當轉奏天庭。封爾爲露筋神女。在吾部下。做邦溝一帶水府神祇。用顯幽魂。以彰烈節。且恭謝尊神超拔。

前腔似金蟬脫殼。似金蟬脫殼。形骸何有。只本來真性。無消朽。想萱幃惘然。傍雲幃儼然。不是粉骷髏。塵凡自叅透。謝尊神見收。謝尊神見收。芳魂再

修承酬高厚。

〔小旦〕既如此金娘聽吾諭旨從來幽明一理務要佑善除邪你將來秉仗威靈便可代天行化吾當上奏天曹去也。〔旦〕領法旨。

單調風雲會合最難留人到三叉口失足般般有。嗟貪安一旦休那堪回首匪石堅貞魔障原難受。好顯得香名千載流無限芳菲杜若洲。

〔小旦〕流盡胭脂水。〔旦〕空江留片月。

〔旦〕繁華未歇消。〔旦〕三尺女墳高。

華表柱延陵掛劍

呂南仙

鵲橋仙

小生上

遨遊天下

一鞭回鞚

裘馬翩

翩

翩簇擁侯王。脫屣剩閑身。只四海交遊情重。

官人迎送。路人指爭看。濁世佳公子。腰間寶劍。

值千金駿馬。追風去如駛。俺延陵季子。周室懿

親。吳王介弟。讓千乘之國。如委泥沙。慕四海之

賢。如同性命。前因嗣君卽位。命俺歷聘中原。一

路裏。遍觀名山大川。且陰求天下奇士。自夏徂

秋。壯遊數月。雖則跋涉關山。車徒勞頓。所喜憑

今訪古論樂歌詩得有數人知己可不負俺走
這一遭也不是大名垂宇宙怎教到處有逢迎
甘州歌合離愁散冗喜過江開拓萬古心胸黃河
如帶早見岱宗遙聳西登太行雲盡白却接泱泱
齊大風長思想到洛中中原文獻不應空休回首
驚斷蓬幾多國士笑相逢

俺此番北上有齊大夫晏嬰晉大夫叔向衛大
夫蘧伯玉鄭大夫公孫僑這四位名賢與下官
解帶寫誠都如舊識所恨南轅北轍天各一方

從此回首中原、端的離多會少。侍從們、前面甚麼去處。衆已到徐州界上了。小生且喜回到徐州。此間徐國之君、曾與下官八拜爲交。真乃是世味酸鹽外、交親氣槩中。準盼着歸途、欸叙却早到來。好不欣幸也。那徐邦呵、

前腔換頭。合東吳舊附庸。便縱然叢爾襟帶齊宋。只愛他箇人如玉。情懷上、霽月光風。彈琴自賞。誰和汝看劍論交。若個同前宵夢。客館中、今朝歸騎。莫匆匆。班荆去。快寫胸。只愁燭跋話難窮。

末上昨日班荆地。今朝下馬陵。徐國陪臣迎接。
大吳公子。小生你國主好麼。末啟上公子。天有
不測風雲。人有旦夕禍福。痛先君無祿。已經永
別公子了。那前面高岡。望見的就是寢園之地。
小生驚介。呀。有這等事。那有這等事。就到他墓
前去來。末園內荒蕪。不知車騎辱臨。有缺酒掃。
小生不妨。你自引路。末曉得。小生無端地下埋。
憂。做成短夢。末只恐碑前墮淚滴。醒長眠。來此
已是。小生呀。你看愁雲在天。落葉滿地。山川如

故華表雙高。可不傷感人也。就此下馬。侍從們。
道旁伺候。衆應下。白楊何蕭蕭。風聲若哀訴。地
下有陳人。杳杳卽長暮。待我喚他幾聲。徐君徐
君。你故人吳季子。千里馳回。有無限裏腸相告。
如今下馬在此。你知道也不知道。揮淚介。

呂南

太師引我。遍天涯。幾個知心。共到中原。慕想賢。

豪只數公。可是那善交平仲。古遺愛。苧綯相逢。見
遠向也。高懷殊衆。是吾儕。特地相知。重遙傾聳。逢
人要識公。怎知道墓門華表泣西風。

末公子路途勞頓、請免愁煩。小生大夫、我想起
一事、你國主生平雅有純鉤之好、吾腰間所佩
的賽過昆吾、曾許回來解贈、怎知今日劍在人
亡、我只好把來掛在他華表柱上、以表吾昔日
之心。末仰見公子、然諾之重、義動幽明、吾先君
有靈、冥冥中自當前來領受。掛劍介徐君有知、
你自領取劍兒呵。

前腔把你化青蛇、遙向黃泉送道。延陵思君帶鬆、
特解贈、慰君珍重。好教你魂魄俱雄、斬斷人間。

夢我待留一。呖怕四圍山。悲風淒動相承奉。似扶桑掛弓。敢則待氣冲牛斗。會天宮。

末竊聞寶劍之氣。可以上冲霄漢。豈不能下達重泉。只今借劍傳情。也算相逢一度。且請公子。小憩片時者。小生坐介。這不是五里松前。多敢是三生石上。大夫。我正要問你。遭此變故。你國主身後之事。怎麼樣了。末痛念先君早薨。嗣子幼弱。國小無依。多蒙公子垂問。小生世事茫茫。可勝感歎。前日我在客館中。曾夢見你國主。抱

着一個孩兒向我欲言不語、恰被這劍在床頭
鳴嘯起來、一驚而醒、末不是生前氣誼相投、怎
得死後精神感召、小生只想道路迢遙、他因何
托夢于我、

三學士千里魂飛來入夢、怪他慘淡音容、怎知他
死別吞聲去、有身後蒼茫付阿儂、此時此際、國危
主幼、藐是諸孤、辱在大夫、只怕的死生人事、改見
孤危的鮮効忠、

末公子尙如此用心、我等送往事居、敢不効命、

小生所愧下官力薄能鮮、辜負良朋、不能鎮撫其社稷、但是俺有生之日、再不遣一匹馬一條箭到你徐國界上、倘若有別國侵陵、也來告我知道。末公子言念及此、我小國歿存均感。小生感甚麼來、只恨我遲來一步。末送茶介。宿州空流淚。長途合飲水。公子用茶。小生且放一邊。起立介。下官今日到此、道路匆匆、生芻未具、我只得撮土爲香、就這一盃茶、澆奠于你。拜介。百年朝露情、知過去難留。幾度秋風、不覺悲來易慟。

徐君呵我與你幽明路隔從今辭別你去再無
相見之日了

前腔高塚麒麟碑一統卽荒原涕泗無從俺生芻
尙想人如玉你寶劍長埋氣似虹將來下官有事
北上須將遠道而行再不從你這廂經過了也末
這却是爲何小生唉大夫怕到此白楊重繫馬對
青山更痛不窮

末君亡國在還請公子停驂舊館小生大夫我
使命在身不得入郊一唁國家賻贈自有常禮

只生死交情。此情無盡。左右帶馬。就此啟行。衆
應行介。末。茫然世事。遣人猜。山木蕭條。逝水哀。
小生。古往今來。皆涕淚。一生襟抱。向誰開。末。來
此已。臨大道。請負弩前驅。小生。大夫先請。

尾聲。歸騎無端。來上塚。傷心處。雁叫長空。早回首。
松楸暮靄重。

東萊郡暮夜却金

南正宮

喜遷鶯

外扮關西夫子袍帶引從人上榮叨

師表看政在詩書學在條教攬轡清風隨車甘雨
免他供頓徒勞千里海東風化兩字關西節操清
白在待褰帷露冕正詔羣寮

吾乃關西楊伯起下帷教授弟子千人身爲大
儒志存古義前蒙公府辟召出刺荊州今奉詔
書特拜東萊太守現在單車赴任郵籤報來已
到昌邑地面吩咐可就此住宿擇日吉時上任

者衆應介外踏莎行半世青瑣廿年絳帳致君
時作唐虞想六經猥被後生師一麾暫做諸侯
長竹馬兒童香花衢巷紛紛迎送何勞攘豈知
恬淡一儒生布衾瓦器單車上吩咐張燈吾要
草入境奏章一應迎接官員人等明早傳見衆
應下內作起更介末扮門吏上啟上老爺一應
官員都已散去只有昌邑縣官王密在外伺候
要夤夜求見外既如此就傳進來生扮王密進
見介外賢令是吾荊州所舉茂才不想又在此

處相遇、生昔爲舉主、今爲上官、獲戴二天、三生
有幸、外賢令在家見重鄉評、在官豈無政績、今
來有何見教、生竊有下情、未敢造次、末下外請
教、不我遐棄、示我周行、生言采其芹、承筐是將、
懷中取柬帖呈上、外接看介、謹具奉申、呀、老夫
是你故人、故人知道你、你竟不知道、故人也、擲
帖介、吾今下車伊始、延見諸公、所望集思廣益、
聞所未聞、不意賢者相遭、乃是欲來汚我、可惱、
可惱、生且請息怒、豈不知大人一片冰心、但行

李往來用犒從者亦屬交際常情不才仰辱薦
剡平日居官自愛又非有所干請只此區區私
覲料外人也不得而知外好個私覲就這一個
私字天昏地黑你說無人知道上有天知下有
地知你之外有我知我之外有你知何謂無知
你道欺得那個我今日呵

雁魚錦雁過聲相遭那得將氣消便登時奏効忙

起草怕我下馬兒威風少

生拾帖謝介外常言道

若要不知除非莫爲明放着湛青天恁般高你不

投明却向暗中拋。將人瞞得牢。只怕瞞不過有眼。
皇天照那裏有二天天教你私依靠。

生

一時愚昧冒犯清嚴望乞恕罪。

二犯漁家傲外。高高晝日當霄。那九重天子便真。
個如蒼昊欺他可好。你舉頭時。敢咫尺天知道。地。
知饒他立不牢。你知饒他心自搖。我知饒我粧喬。
四不饒瞞心處。笑你徒勞。相知如今是兩遭。那一。
遭道你是不負舉的茂才真異等。這一遭方信你。
是不惜財的分贓好縣僚。

生不才萬死荷蒙薦舉何敢稍涉賍私今日下情都是出於清俸

二犯漁家燈外何消惠贈分毫你想我二千石吏寧難飽况我單車載着布被將儉爲廉猶愧恩叨算若干爾俸幾多爾祿穀得罄囊討好料無非膏脂剝削層層擾好待半去肥家半奉高

生大人官箴至當還望察情外還察你甚麼情
嘆

喜漁燈老夫耄矣濫爲師表承君命除殘去穢須

有。個。分。曉。更。朦。朧。到。來。教。我。包。苴。污。身。先。自。招。只。
恐。自。心。不。淨。人。難。問。既。同。道。怎。相。檢。較。敢。做。執。法。
蕭。曹。今。日。裏。是。偶。垂。芳。餌。魚。貪。釣。他。日。裏。便。任。意。
閑。眠。鼠。共。貓。

生。不。才。那。有。他。意。原。是。一。點。感。恩。圖。報。之。心。不。
想。大。人。十。分。見。責。起。來。外呀。你。道。感。恩。却。是。這。
樣。圖。報。的。麼。

錦。纏。道。犯。休。草。草。幸。寬。洪。人。非。斗。筭。市。道。既。非。交。
我。何。難。寫。着。白。簡。申。朝。背。介只。怕。他。身。敗。名。消。轉。

介須識我用心公道只待你變前操莫要乞憐暮
夜愁人見又去將人白日驕

你去罷勉蓋前愆試圖後效生不才萬死仍荷
矜憐愧謝不盡下外咳老夫每日行事到夜來
都焚香告天怎麼有人以私干我難道我平日
間還有教人信不得去處也正是

介圭無藻飾

古井息波濤

惟將清苦意

嶽立冠人曹

下江南曹彬誓衆

宮南正

梁州令

外帥服擁衆上車書混一帝王州殺

運將收鍾山餘孽尙魂遊合孤城如破竹一鼓下

且遲留

昭君怨誰道金陵無罪臥榻傍邊鼾睡鳴鞭喚

醒來陣雲開一字止戈爲武萬里義聲先路蒼

生喘未蘇仗洪圖我曹彬奉命專征統兵十萬

前下江南所喜一路來兵不血刃直抵金陵已

將孤城圍困只可惜這一城生聚前日我曾貽

書李煜勸他早早投降、怎奈他執迷不悟、到得一聲摧破、四下風塵、將喜殺戮之威、兵貪鹵掠之獲、可不是錦繡城池、一朝塗地、末扮中軍上有聖旨到、

調越

金蕉葉

老旦扮內監捧劍上

洪猷壯猷更寶劍

上方親授閱森嚴萬竈貔貅怕犯了猛將軍的營邊細柳

欽奉聖旨、賁賜曹元帥尙方劍一口、但副將軍以下、有不用命者、可斬訖奏聞、領旨謝、外謝禮

畢相見介。老旦：風動將軍幕。
外：天寒使者裘。請到後營把盞。
老旦下。外：我想此時此際，功在垂成，聖上此劍之賜，却是爲何？從來刀瘡藥雖好，不割爲妙。我自有一道理。

正宮梁州令。鷹揚親奉廟謨，猶笑看吳鉤。代天行道，代君憂。赫然兵似火，行弔伐，敢虔劉。
作欠伸介

吩咐本帥身子欠安。一應軍情，着暫停通報。
末：應下四將上。副淨：殺氣冲開陣上雲。
丑：天邊飛鳥避轅門。
生：軍聲肅穆山河壯。
小生：中有輕裘。

綬帶人副淨我大都監潘美丑我先鋒將曹翰

生我水軍都將王明小生我馬軍都將李漢瓊

合聞得元帥欠安同到牙前問候末傳進見介

合末將等仰蒙威信功在垂成忽聞尊體違和

元帥想是櫛沐勤勞太過了請急加調治好奏

膚功外列位不知我這是心病非藥石所能治

也合九重推轂更加一劍之威衆將連鑣共効

三軍之命請問有何心病來

呂南梁州序犯外天威遐布衆賢畢奏多少健兒身

手一身臥護敢稱多病留侯喜兵行風草人望雲
霓四面都後后金陵王氣也黯然收怕不是一片
降旗出石頭我心上不愁金陵不破只愁城破之
後那時節呵合人千萬懸吾手崑岡火燄誰相救
那玉石難分割

丑元帥奉朝廷命令仗鉞專征那李煜癡騃不
識順逆累我們曠日持久坐守堅城一旦摧鋒
正當盡敵而返區區小仁小義何足惜哉外怒
介住了本帥察聽軍情只你先鋒營裏軍心怠

慢專以鹵掠爲事。如今看來。竟是你有心驕縱。
左右把曹翰綁起。看劍。衆跪介。元帥息怒。外列。
位。豈不聞兩川之亂。王全斌近事可見。

前腔。皇仁兼覆。兵殘致寇。激變西川。非久。況金陵。
何罪。癡兒磕睡。勦你看山川。圖畫人物。衣冠生。
聚年時久。忍下得咸陽一炬。裏變焦邱。狼鶴沙蟲。
滿地愁。合人千萬懸吾手。崑岡火燄誰相救。那玉。
石難分割。

合仰見老元帥威德並行。王者仁義之師。正該

如此外須知聖主以生靈爲重、老夫奉命而來、
義在弔民、原非耀武、但是衆心不一、軍法無私、
諸公又都是國家勲舊、自古道、矢在弦上、不得
不發、誠恐臨事之際、不能相爲保全、故此鄙懷、
積而成病耳、正是天機近人事、獨立萬端憂、合
若果如此、元帥有令、誰敢不從、外足見諸公厚
愛、

前腔覆巢時、完卵難求、破竹處、還須留手、歎機槍
迅掃、似摧枯朽、把龍盤虎踞、幾番兵燹、金粉消何

有更摸金校尉去遍墟圯可也。庾信悲哀淚更流。
合人千萬懸吾手。崑岡火燄誰相救。那玉石難分
剖。

丑小將知罪外你再若約束不嚴軍法具在。既
知罪了且饒此次。衆元帥大恩。

前腔外竟長空旗捲蚩尤待勝殘角端仁獸體好
生天意。吾皇恩厚只怕兵貪將忿暴還易暴負却
來。蘓候卽此呵是關身疾痛也與君謀舉手介你
可也悲憫同心我自瘳。合人千萬懸吾手。崑岡火

饒誰相救。那玉石難分割。

今日之下、旣諸公同此一諾、須得焚香立誓、擡香案過來、作拈香同拜介、我們向天禱告、一克城之日、不得妄殺平人、二不得擄掠居民子女、玉帛三不得發掘居民塚墓、再李煜一門、不得擅行加害、諸公愛我、但誠心共誓、克踐盟言、吾病自當勿藥而愈、合元帥威信、有違此誓者、天日鑒之、外澆酒介、

節節高、神明在上頭、告君侯、焚香共此澆天酒、他

困猶聞非有仇情堪宥少不得若崩厥角咸稽首
若一人妄殺天不祐合時雨行天帝王師春風滿
馬聽金奏

非是我貪着小人小義來天道神明人不可妄
殺

前腔你看功封萬里侯沒來由將家三世多殃咎
願膚功奏鋒刃收殘黎救一時挺鹿無驚走便普
天共此登仁壽合時雨行天帝王師春風滿馬聽
金奏

同酌酒介外這酒治病勝似丹藥只望臨時諸
公約束嚴整眼見得江南士庶從此去暴依仁
不知有滄桑之感市肆不移耕耘不變謳歌歸
舜其樂無窮合這都是元帥全勲外尙賴諸公
協力待得奏凱還朝吃過太平筵宴老夫還要
與諸公痛飲者

尾聲笑維摩示疾原無有合爲蒼生請命告君侯
俺還要盡洗兵戈天漢流

鳴玉鏘金盡正臣

修文偃武不無人

興王會淨妖氛氣。

聖壽宜過一萬春。

韓文公雪擁藍關

北仙呂

點絳脣

小旦扮韓湘子吹笛上福分難消蓬

萊靜悄乾坤老輪與兒曹一點先天妙

棄世學神仙神仙笑人誤豈知忠孝心卽是神

仙路自家韓湘子七世童真九齡入道無生證

果自然五氣朝元未冠登真早已三花聚頂慣

在人間頑耍無煉無修閒來天上逍遙非天非

壽正是彈指落花無盡劫千秋萬載一童身今

日在大羅天上忽然想起俺昌黎公公厄難到

來俺因此飛空而至他因上了佛骨表觸怒當
今貶向潮陽而去筭來今日該過藍關俺且先
到那廂等待他去養成丹竈無烟火點盡人間
有暈銅我想凡間有個三教之分到了天上萬
法歸一只是還他一個善惡邪正分明你在雲
端裏面看那下界呵

混江龍單則是上方重眺幾曾百里辨秋毫只見
那遍地裏紅塵滾滾普天下黑霧滔滔則幾個忠
臣孝子義烈人豪赤淋淋天真感激頭巍巍至性

堅牢。從來是這樣人。偏有許多磨難。喜的是真金。
不怕火。他頭頂兒上呵。他一道罡風。迎浩氣直冲。
黑霧貫丹霄。莫說那邪魔煞黨。辟易奔逃。就是些。
星官天將。敢毛骨森蕭。則俺八洞高真。所遇處也。
要一邊拱立。讓他遭忠和孝。這是天上人間齊印。
可萬空充塞起心苗。

話猶未了。你看遠遠的長安一帶。雲煙冲動。俺
祖公公敢待來也。此時下界。正值大雪嚴寒。看
他到來。困苦窮途。有無怨悔來者。立高處吹笛。

介

南黃鐘

點絳脣

外扮韓文公執鞭上枯木寒鴉愁雲

一帶空圍繞潮陽望香冰雪關山道回首觚稜一
夢今方覺人潦倒丹心日照慣與風霜傲

一封朝奏九重天夕貶潮陽路八千欲爲聖朝
除弊政肯將衰朽惜殘年我韓愈竄逐而來童
奴驚散形勢倉皇到得此間又是嚴寒大雪行
人斷絕路徑俱無呀這風雪中何處笛聲嘹亮
你聽他裂石穿雲清商激越好不淒涼傷感人

也。小旦唱下。你是儒流關異端。異端先關自家。
緣西方佛骨燒不去。一任兒孫元又元。祖公公
拜揖。外原來是湘子。你緣何到此。小旦知道祖
公公有萬里之行。特來作別。孫兒已在此等候
多時了。外我倉茫遠竄。家問不通。你怎得知道。
小旦祖公公。你還記得頃刻花中詩句乎。指介
那邊是甚麼山。外是秦嶺。小旦這邊是甚麼關。
外是藍關。作點頭介。好奇怪。雲橫秦嶺家何在。
雪擁藍關馬不前。你怎麼早知道了。湘子呵。知

汝遠來應有意。好收吾骨瘴江邊。
小旦呀。你要燒佛骨。你自己的骨頭。又是愛惜的麼。
且請祖公公。將惹禍緣由。細說一番者。
外湘子。你聽我道。

神仗兒。丹墀進表。丹墀進表。爲桑門祈禱。
得先王正道。弄得四方傳笑。迎佛骨。遍遊遨。
迎佛骨。遍遊遨。

滴溜子。龍樓下。龍樓下。梵音海潮。狂瀾起。
狂瀾起。障來已倒。歎此心。惟天堪表。待把涓埃答聖朝。
違。

時所好。因此上。干冒宸嚴。曾不想饒。

小旦這風雪下得越緊了。且在半山亭子躲一躲去。外使得行作到坐介。湘子。我以疎狂獲罪。自甘九死南荒。只可憐一家骨肉。會有幾人。似你早年孤露。又性喜雲遊。眼見得團圞無日。正不知將來。各人漂泊何所。小旦祖公公。請免愁煩。

越調
近詞

入破第一。念孩兒。尙童穉。孤立無依倚。有誰

來愛憐恩庇。感慈懷。更縈繫。骨肉臨岐。但我翩翩。

孤鶴雲裏霧裏泛泛浮槎沒根沒蒂上丹梯早已
致身福地不復人間戲大父母是天地紅塵外其
樂隨意只念衰頽此去天南迢遞待牽衣小別今
朝無端雪涕

外我不是兒女之態只爲身受國恩我去後朝
臣內絕少法家弼士因此戀闕區區不能自己
破第二小旦九重聖明問着安危計有大臣調劑
何勞踈遠流涕况裴丞相朝中柱石方隆眷倚想
事業中興一夔足矣

外道也說得是。只是佛教滅倫。妖僧惑世。我一發不中。勢愈猖獗。真乃不復知天大。空餘見佛尊。怎教我不擔着千古之憂也。小旦你再不必枉費勞心了。

袁第三四大神州一塵裏。與三教爭閑氣。笑入主出奴。誰是非。還似戲。況把瘠窮養濟。王政難周缺憾從教補裨。你自癡看後果前因。非難猜啞謎。

外我原說佛如有靈。甘受其罰。倘我生還無日。你須記我詩中一語。小旦不到得如此。古人自

然天相

歇拍此去此去千鄉萬里却早定數安排矣留雪
爪似鴻泥若怕蠻烟難道南荒無吏事不齊否泰
循環榮枯是非

外正是升沉應已定不必問君平趲此風雪漸
開吾當就此別你前去作揮淚起行介小旦祖
公公不用傷悲你此行還朝非遠但那薑桂心
情還宜磨去些好外你說那裏話

黃鐘

啄木兒我中心正秉氣高薑桂森嚴直到老那

些個便明哲其身。我這裏其愚難到。畢竟立功立
名。值多少。生心昧心。天知道。爲甚的百鍊金鋼一
旦消。

小旦 人生百年。花開頃刻。祖公公。你可不着相
了些。外 你道百年頃刻。我道頃刻百年。

前腔 你看丹心照青史。標這就是萬載長生。真不
老。等閒間。小節鏗鏘。振古來大義昭昭。今日裏正
色立朝。天不照他日裏。就做商干。楚屈無哀。禱至
竟來一身無二道。

小旦似你爲臣忠正仙佛同欽只可惜你太勞
受困了也

三段子外此生本勞仗丹心人豪氣豪那天本高
任孤征山遙水遙小旦祖公公只歎你做官依舊
能潦倒一生何日開懷抱勸你及早歸來却不是
好

祖公公保重孫兒去也一聲鉄笛人何處飛上
千峯紫翠間下外呀湘子說一聲去竟去了倒
是他不來也罷如今反教我萬里征人百感交

集。你看茫茫前路。雪渺模糊。且自崎嶇前去者。
歸朝歡。垂鞭去。垂鞭去。朔風亂飄。吹笛的聲兒漸
杳。藍關外。藍關外。離愁怎澆。正不知九重天。何時
再朝。嗟。古來仲尼孟軻。難行道。綱常世上多起倒。
免不得。獨自身將巨擔挑。

漫天風雪不難晴。松檜經寒老更成。
佛骨未燒雖有恨。千秋吾道賴干城。

荀灌娘圍城救父

南越

風馬兒

小旦上

小燕危巢

不耐驚

拈針線

又

重停鏡臺前。驚見旌旗影。相看困坐無計。慰椿庭。

生小深閨未離膝。誰知一夜西風劣。拈花欲笑。

却成顰。狼籍畫眉長。又濶奴家荀氏灌娘年方。

一十三歲。母親亡故。止留下奴家一人。俺爹爹。

鎮守襄城。遭山賊杜曾作亂。圍困孤城。鎮日上。

城守禦。不得回衙。正不知作何計議。好不傷情。

也。生扮荀崧戎裝引衆上。忍死重圍。鼠雀熏只。

留忠壯氣如雲孤城已作王鰥塚弱息難全李
穀軍外廂伺候衆應下小旦爹爹萬福連日戰
守如何生不要說起俺荀崧臨老無兒有恨誰
知如今糧援俱斷危在旦夕只可憐孩兒沒處
安頓着你也淚介小旦爹爹且休煩惱孩兒不
足掛懷事須死裏求生還請別尋計較生兒阿
事到如今還有恁計較現在只有梁州鎮將周
訪兵精糧足是吾八拜之交但我一身孤獨那
得梯已人去只索罷休了小旦既如此爹爹請

放心不怕沒梯已人去。生你道有那個。小旦待我去喚他出來。下生女孩家一味嬌癡。知他說個甚的。

山桃紅則見雲梯衝競。雉堞將傾。是處兒風聲勁。害嬌娃受驚。只道是夜月聞箏。早都是登陣哭聲。苦我半世孤。兩鬢星。這場兒端的無後倖。也就是你望救邯鄲有信陵。又那個能將命。何來救兵。只嘆的伯道無兒。莫請纓。

小旦改男裝帶劍馳上簪花藏嬌格。佩劍表雄。

心爹爹請看，這不是你的梯已人麼？就此請令
奔上梁州去。生我道那個梯已人，像你這小小
年紀，就是男兒，也還早哩。真成兒戲了。小旦爹
爹休要這般說。如今父女坐守孤城，畢竟是死，
放孩兒冒險出去，也只一死。倘出得去，還可死
裏求生。爹爹若決意不聽，不如一命先捐，免得
親心牽挂。生孩兒不用如此，却教我如何捨得？
小旦孩兒豈肯輕離膝下？只是如今顧不得了。
前腔恨孩兒不稱枉掌上，看承違親命，改裝便行。

休念我路途梗。休念我瘦伶仃。就此撇下奴。拋出城去。衝鋒只等的。更兒靜也。煞強如束手重圍併命。傾是那個能將命。何來救兵。且休嘆伯道無兒。莫請纓。

生也罷。我只得斬斷愛根。由着你罷。但這圍城中如何出去得。小旦兒會插翅飛走。虛不走實。生得幾人護送。小旦一個啞崑崙。便是兒脚力。生要怎麼通關。小旦告急一封書。是要親筆跡。左右快取筆硯來。生還用怎麼筆硯。我只得咬。

破指尖寫血書求救罷

前腔。苦我花箋血映動他香火盟情。小旦。這書札
內如何寫生。只好說遭不幸。遣兒奔命。我的孩兒
呵。只念你路途梗。只念你瘦伶仃。教我望眼穿。雨
淚零。送孩兒更自成孤另也。還不知死別生離是
怎生。合。是那個能將命。何來救兵。只嘆的伯道無
兒女。請纓。

生。授書介。書用蠟丸你自賫去。只是一件我無
子息。他是知道的。你去怎生答應。你就改裝還

怕露出破綻來反爲不美。小旦：爹爹放心者。

前腔：那個圖形畫影。但須見景生情。此去權將命。暫離定省。只慮你衰年景。只慮你坐愁城。虧着有道義。交生力。兵待兒家。想與孤城病也。料急難能無見面情。合：是那個能將命。何來救兵。且休嘆伯道無兒莫請纓。

孩兒方纔上城觀看。四面圍得鐵桶。只東南角上賊兵欠整。爹爹可傳令。在西北角上。豎起降旗。只說守城力竭。明早出降。哄得他軍心懈怠。

等夜靜時孩兒便可從東南角上縋城而去矣。
〔生〕說得有理。〔小旦〕爹爹請上孩兒就此拜別。仗劍出門去。耻爲兒女憐。〔生〕不知生死地。淚盡別離間。

〔收尾〕合相看淚眼空悲哽。早縋城暗度三更。怎能
穀破鹵歸來一笑迎。〔下〕

〔外扮周訪上〕白頭一老赤心存。侵曉霜寒闢戟門。誰使不眠憂戰伐。可堪無力正乾坤。下官南
中郎將周訪是也。只因山賊杜曾作亂。下官鎮

守梁州曾把杜曾那厮殺得他抱頭鼠竄兵潰而東。筭來襄城必遭其毒。現在本境稍寧。但襄城久無音耗。不知却是爲何。軍吏上轅門外有荀家小公子求見。外請進。小旦上

北正

端正好。趙程途無昏曉。據鞍心扭斷。纖腰便

殘。更下馬人聲悄。也索向轅門報。

見介伯伯請上。待孩兒拜見。外請起。小旦世亂

方多故。垂髫亦行李。外從來汗血駒。所志卽千

里。賢姪如此幼齡。因何遠涉到此。小旦伯伯聽

稟

滾繡毬爲家爹代勞。命投奔故交。外呀。久別荀兄。
原來無子有子。小旦。早年間。本是無兒伯道。却還
有發旁枝。庶孽根苗。外賢姪。睂眼克肖。怎帶些女
相來。小旦。那裏有輔漢廷留侯相貌。倒是個哭秦
庭。七日申包。有家爹血書在此。呈書介困孤城難
打熬。似倒懸須救早。外拆看介。呀。賢姪。你來差了。
我這廂防賊。自顧不暇。那得來救你。小旦。跪介。咳。
我只得屈身軀。代親哀告。難道是我爹行錯認賢。

豪外。搖手介。小旦。全不念在原。急難良朋。少生把香火深盟。一旦拋伯伯。呵。這的是八拜之交。

起立介。外。賢姪。休怪。我與尊公相好在先。此際斷難從命。你別處投奔去罷。小旦。上山擒虎易。開口告人難。果然是我來得差了。只可憐家無長男。我爹不是萬分無奈。怎肯叫個小娃娃。從刀尖上鑽出來。投奔到你。我也再無別處投奔。伯伯在上。莫怪我小頑童污了你的地土。潑了你的龍袍。今日今時。五步之內。有死無生。可憐。

我小孩兒頸上的熱血能有多少但一點一滴
洒在你堦前好叫人知道我荀郎是來過這裏
的作按劍介我的爹爹呀孩兒今生不能報答
你的了

伴讀書這是你做孩兒的無材料不是他做父執
的不賢豪既不能救你形衰髦倒不如一朝効死
堦前好只恨死去呵反不能父子相持抱只落得
兩下相拋哭倒介

作向天跪拜拔劍自刎介外急下抱住介我的

見呀。你何遽如此。我做伯伯的。是把話頭來試
你。莫說你父的交情。就是你這一場孝感。也叫
我如何坐得穩。你且起來。等我孩子回來。你弟
兄們相見。要發兵多少。就着他同你去便了。小
旦伯伯一言既出。真乃生死而肉骨也。拜謝起
介。小生扮周郎上。仗義切同舟。元戎奮壯猷。少
年別有贈。含笑看吳鉤。方纔教場中。正在把孩
兒兵操演。聞得荀家兄弟。來此請兵。何不就在
此數內。挑選八百名。兒自統領前去。儘足破賊。

但不知兄弟意下如何。
外可與荀家兄弟相見。
見介外賢姪可嫌兵少麼。
小旦兵精不在多。但
憑伯伯便了。

笑和尚只要一千名似虎虓。就是八百個非嫌少。
料賊衆攻圍早。多應是此時疲弊了。論兵法貴乘
勞。但要怒騰騰。把先聲多鼓張軍號。

外孩兒同你兄弟後堂一飯再行。
小旦哥哥你
自請便。

明明令痛圍城。早已無糧草。怎孩兒在此能獨飽。

哥哥。只要你牢拴緊扣。揚鞭早。星飛快。把雄兵調。我與你馳檄去也麼哥。我與你射書去也麼哥。只說道。小將周郎。統領着梁州十萬的強兵到。

外既如此。我也不好留你。生旦孩兒們奉令。就此拜別。小旦爲人須爲徹。小生救人須救急。外不道二郎神得了哪吒力。外下。小生兵貴先聲。我已馳檄前去。兄弟就此勒兵。小旦願觀。小生四百名刀斧手上。作勢下。四百名簾牌手上。作勢下。小旦果然精練也。刀牌齊上。小生孩兒們

聽令離賊百里。銜枚疾走。去賊五里。金鼓齊鳴。
就此兼程。殺上前去。應介。

川撥掉合齊奮勇。盡垂髻。盡垂髻。偏出跳。小旦哥。
哥。須要乘夜進兵。使他不知我兵多少。爲妙。合我。
和你火把連燒。金鼓齊敲。但顯得我兵來不少。驚。
得他填坑也。那又落壕。

七兄弟。那須用虎韜豹韜。早賽過了霍嫖姚。便夾。
攻裏外。齊鵬勦。管教會合在今朝。只怕你父子重。
逢痛哭難成笑。

雜扮杜曾擁衆上殺敗下小生追趕下小旦且
喜賊兵冲散回馬城濠開城門下弔橋開城門
下弔橋喜得啞巴兒高叫飛信先跑早望見射
堂旗號爹爹何在生上已拚生死別疑是夢中
來見且抱哭介兒呵好叫我疼煞你也小旦孩
兒請救遲延教爹爹多多受驚恕孩兒不孝之
罪生虧你怎生請救來的可細說與我知道小
旦爹爹聽稟

梅花酒呀這一場難打熬誰知他老友粧喬倒是

這小友賢豪畢竟是兩個小兒曹。把一陣豺狼冲散。了。生那梁州是誰領兵來此。小旦是那周家哥哥。好不英勇哩。他一直趕了下去。定要擒將劇賊馬前梟。叙功勲。心事表。那名將種定是有根苗。生等他到來。自當椎牛釀酒。小旦待太平筵上叙同袍。却不羞殺我女申包。

孩兒自出門去。衣不解帶多日了。待去梳洗了出來。生使得小旦下門。軍上周家小將軍到。生快請相見。小生上。男兒欲取封侯印。腰下常懸

帶血刀。叔父請上。姪兒拜見。先不知襄城有警。不曾早赴救援。今同兄弟趕來。已將賊帥杜曾首級梟下。特來與叔父獻俘。生遠勞賢姪。救患分災。真乃將門出將。小生怎似兄弟幼年。不尋父命。孩兒自媿不如。僥倖賊兵自退。何敢言功。生賢姪領兵勞頓。先具一盃水酒。與你弟兄們洗塵。小生如此。卽請兄弟出來。小旦女粧艷服上。傾城女子作干城。會賦無衣解佩行。今日埽階重問訊。鏡中人面看分明。哥哥萬福。小生驚

吟風閣

卷三

奎

介呀、纔脫征衫、便斑衣戲綵哩、
[小旦]並不是戲、特地出來見禮、

收江南呀、這權宜行事忒蹊蹺、只記得漢緹縈爲父哭當朝、又誰知木蘭娘也代父執弓刀、那周伯伯呵、說咱是千里駒兒、忒恁好、早瞞過他、不知牝牡的九方臯、

[小生]是戲是真、我偏不信、
[小旦]你一向做夢哩、煞尾從軍一樣男兒表、鎮日裏並轡聯鑣、但歸來重整翠雲翹、只教咱活現的觀音瞞不了、
[下]

小生道破機關、如夢初覺、但姪兒愚昧、畢竟還驚疑未定。生賢姪、不用驚疑、只因老夫年邁、膝下無兒、權遣女娃將命。小生呀、果然如此、也覺得芳齡太幼。生小女乳名灌娘、今年一十三歲、且問賢姪、這樣頭角崢嶸、不知青春多少。小生虛度一十五歲。生定過親事沒有。小生還未。生小女也還未議婚哩、且到後堂叙話、戰罷歸來、脫戰袍、鳳凰臺上、憶吹簫、當年得婿如公瑾、愛看兵書是小喬。小生城闕靜、月雲高、去尋月老。

不辭遙却因未遂于飛樂轉憶春風上馬嬌

信陵君義葬金釵

旦扮如姬鬼魂宮粧披髮上

北南呂

一枝花歎沉寃十載埋一靈兒迸出黃泉罅
猛見那崩崖天際險怒河流徹夜浪淘沙月暗雲
篩告的這閻羅假咱本是繁臺第一花訴恩仇圓
夢等伊家又怕怯魂靈攏不到元戎他帳下

吾乃魏王宮中如姬鬼魂是也咱生前蒙王寵
愛掌管兵符璽節恩信不疑只因秦兵圍趙魏
救不行王弟信陵君用侯生之計從王臥內盜

取兵符、奪軍赴救、妾感公子之義、曾經報我父
仇、分當以死酬恩、捨身從命、可憐竟死於魏王
拷掠之下、並把殘屍碎骨、拋入黃河、滯魄沉魂、
已將十載、如今信陵君領兵歸國、大破秦兵於
河外、震動幽明、因此聞聲赴感、趁這明星淡月、
迤邐而來、你看萬竈雲屯、旌旗閃閃、刁斗沉沉、
好不威嚴也、欲伸地府千秋恨、敢避將軍八面

威。
下

呂南南

生查子

生扮信陵君帥服擁衆上

生怪睡龍

神不放雷霆響。一旦失其珠。激起波千丈。

淨扮朱亥。末扮內監顏恩。上。生。生。平常笑孟嘗。君雞鳴狗盜充。賢能誰知事。到難爲處也作椎。埋一路人。一旦虎符奪在手。驅逐秦兵盡反走。趙王雖救魏王疑。從此投兵不敢歸。傷心往事向誰說。夷門冷落侯生血。僅存朱亥尙從軍。植髮如竿今似雪。十年漂泊定誰依。先王陵廟想依稀。若非再破秦軍下。幾老邯鄲一布衣。下官信陵君。生平慕義。侖儻稱豪。只因大梁被秦兵。

四庫全書
卷三
圍困社稷將危、俺從邯鄲、領兵歸救、統領五王
一百萬之衆、大破秦軍、逐北追奔、直殺到函關之
下、如今奏凱班師、長驅歸國、早有內監顏恩奉
王兄之命、帶領兩班文武、迎接界上、來此是黃
河岸邊、已將營盤札下、將士們部伍相招、各歸
本寨、衆應下、更衣介、大將朱亥過來、可噴香帛
前去、設祭兩壇、一封侯生之墓、一弔晉鄙之魂、
代俺走遭者、淨、領鈞旨、下生、去國十年、山河如
故、所恨訪舊懷人、不勝今昔之感、軍書已畢、假

寐片時。好待明早入朝也。正是通天手段。千般易震。主功名一着難。入帳。睡介。丙起更介。

梁州第七。旦上。只聽他鼓三鑿。嚴更令下。盡雲空列戟如麻。呀呀呀。趁陰風早悄立在旗門下。想起俺承恩御榻。天上爲家。宮壺漏永。金屋瑤華。呀呀呀。救邯鄲無端禍芽。盜兵符。生死爭差。呀呀呀。你不是爲家。那怎肯將宿將手來撾。我不是爲亡親。虧你將仇人來報下。咱怎肯鬼胡行。負了官家。嘆情甘碎剮。這陰司裏。幸未把神靈化。那轉輪王却。

也。肯消停罷。等得你撞破秦關。今到家魂夢嗟呀。
你看勾陳衛士都枕戈而臥。且喜無人驚覺。已
到他中軍帳下了。

牧羊關他正氣邪難犯。咱貞魂死不差。還只爲守
宮闈。避李嫌瓜。爲甚的燈暗無花。不由人寒毛冷
乍。靜悄悄城頭鳴畫角。浙零零虎帳捲風沙。原來
統三軍警宵圓枕大畢竟臥虎如雷。怎近他。

公子想起你爲人真乃神欽鬼服。就是妾身爲
你而死。也不能埋怨於你。

四塊玉他他他是四君中第一籌是六國裏無雙
價誰似他玉葉金枝貴王家誰似他三千食客人
謙下誰似他顯威名萬乘加動不動破強秦直殺
到函關下則那狠秦王何曾敢正覷他

元鶴鳴他他他看原嘗猶如井蛙那胸懷義高天
下咱只爲父讐未報常薪膽他便把那人頭一劍
手分花熱淋漓提向墳頭掛俺纔得剗心滴血哭
奠披麻俺纔得甘心瞑目去享繁華他又不是做
好尋人結識他只教咱粉身碎骨報答還差

但是咱死時受的苦楚公子你在軍中怎得知
道

烏夜啼。明知道事發時。鋼刀一把。俺怎肯掇將來。
傾陷人家。那顏恩。幾死在鉗筆之下。俺可也一身。
自認甘休罷。玉斧金槌。碎剝分花。吉丁當。敲破咱。
玉無瑕。吉丁當。敲破咱。玉無瑕。更殘骸拋散在洪。
濤下。到今日。香魂無着。信物誰拏。

咱自到陰司。遍遊地府。三曹對案之後。冥王將
我送入枉死城。枉死城不收。說道這女子背主。

忘恩死不爲枉。應該送入地獄。誰知地獄又不收。說道這女子報父仇救國難。狗義捐生。是個又忠又孝的。地獄中沒有這樣人。應該上送天堂。誰知天上又不收。說這女子善惡相關。思仇念重。還上不到天堂去。可憐上天無路。入地無門。從此遊魂浪蕩。只得訴哀於幽冥教主。他教我只等公子回來。自當有你見天之日。如今僥幸到來。只是幽明路隔。叫你又怎生區處是好。收尾這一會。說不盡傷心話。却不是索命冤家債。

主家只可憐生前淚血沾羅帕。若還念我負疚非他。萬苦無加。却還有半股金釵。跌落在開沙灘下。
作鬼聲拂袖下。生驚醒出帳介。羅帷舒卷似有人開。明月直入。無心可猜。這一陣冷風明明是如姬鬼魂入夢。你在陰間可不埋怨我來。

南南 一江風熱心腸。喫盡多魔障。斷送人無量。好淒涼。月暗魂遊驚起中軍帳。今朝到大梁。今朝到大梁。羈愁正感傷。負娘行。往事難回想。

那時節。俺一見兵符。早知把他斷送了。現有內

監顏恩在此定知明白。喚顏恩坐介。末上。秋高戰馬歸來健。雨打空花落後香。公子有何吩咐。
生非爲別的。你也不是別人。當初這兵符是怎生偷出來的。你自然知道。末呀。這原是奴婢過手的事。當日如姬娘娘把一盒花勝送與公子夫人。原是叫奴婢送來的。

前腔。那娘娘釧盒中間放。親手題封上。不提防。神鬼機藏。扯個瞞天謊。生其間就裏。難道你竟不知。末那盒兒內。是花勝。是兵符。叫奴婢如何曉得。咱

穿宮過那廂。穿宮過那廂。他稍書。瞞雁行。險些兒。
飛不出彌天網。

生。難怪你不知。當時趙王被圍。平原請救。吾姊。
又血書告急於我。下官雖懦。魏國猶存。乃姊妹。
同胞。不能相救。有何面目。再見天下之士。所幸。
如姬呵。

刮鼓令他日。夜勸王。慮邯鄲。唇齒邦。幸喜得揚兵。
西上。柰怕強秦似虎狼。仍袖手在邊旁。俺怎生替。
他千思萬想。不怕潛通宮掖。謗難當。只拚一死爲。

家邦。

末公子爲何不諫。生怎奈諫王不聽。坐視危亡。下官負不義於天下。且趙亡。魏亦隨手亡矣。畢竟身危國安。區區此心。惟我宗廟先靈諒之。矯詔行權。吾豈得已。末非常之人。做出非常之事。那時軍中報到。吾王大驚。失去兵符。闔門大索。你想宮禁怎樣深嚴。兵符何等機密。誰知奸細就在宮中。怎教吾王不要窮究其事。生起立介。你道是怎生窮究。

前腔末你奇謀在錦囊奈風聲通永巷問起兵符
何處只拷遍宮娥齊受殃生那時拷問到你不曾
末可憐奴婢呵頭一個去承當怎受得許多綳巴
吊榜有佳人義烈世無雙把滿宮超豁一身當

虧他把滿宮超豁獨認成招便拜別君恩伏劍
而死生可憐阿可憐末然而大王怒猶未洩生
還要怎麼樣末公子不知活的是酷吏訊囚死
去又是鄴都拷鬼那佳人天生麗質就像一朵
鮮花霎時間揉得個粉碎你道可憐也不可慘

生嘆介咳。教他到此地位。都是俺無忌之罪也。
論起理來。我與他。生無通問之情。死亦有避嫌
之道。但患難相遭。痛定思痛。已到得不堪回首
處了。
慟哭介

前腔當初事反常。他爲我。使心機。潛運掌。他爲我。
拚生冒死。負却君王恩愛。長他爲我。刀劍上受鋒。
鏖。說不出許多深情。屈枉今日呵。他游魂血污香。
難詳。畢竟他死留青塚在何方。

坐介如今葬在那裏。
末公子他還有甚麼墳塚。

前腔桃花去。隨浪送青春。恨渺茫。早則是沙蟲同
葬。生這是怎麼說。末當時吾王盛怒之下。血唬淋
喇。把他碎骨殘屍。都拋入黃河去了。那黃河萬里
長。留不住。捲滄桑。有誰與他招魂。感愴。幾曾半盃
濃涼漿。任孤魂月上。哭穹蒼。

生畢竟他冤魂未散。方纔我曾夢見他來。怨語
愁容。不甚明白。臨去時。却說甚麼半股金釵。正
不知是何意思。末這事却又奇怪。方纔奴婢從
沙灘上走來。拾得金釵半股。好像內家粧束的。

物件又是地下多年的光景。帶來在此公子請
看。生起立介。想來這邊廂。那得有此陰靈所托。
夢境非虛。可就這河堤上。與他立一虛塚。就將
此釵藏於墓下。只筭招魂而葬了罷。末接釵介。
領鈞旨。生想當日呵。

大趵鼓他名花在上陽。脩承恩寵雲想衣裳。金釵
折斷誰承望。幸十年埋沒尚堅剛。咳。如姬呵。縱有
憑依。你魂在何方。

生者有歸國之期。死者無返魂之術。如今下官

無可酬報。只有與他墓前立碑一統。以表貞魂。
末這碑上如何寫生。你想他是個女子。乃能捨
身殉義。上紓國難。下報父仇。這是何等人物。所
恨名節未彰。這碑面上可書忠孝如姬之墓。下
官當親手標題。教他千載流芳也。末仰見公子
盛心。

前腔合長河倚太行。穹碑六字。豎向斜陽。他家讐
國難。將身攬。千年青塚土。猶香。只恐猿啼。還是斷
腸。

生更衣介說話中間你聽霜天曉角早是黎明
就此傳令拔寨啟行衆上行介

尾聲合轅門鼓角聲悲壯滿目山川往事傷說不
盡十載叢臺客望鄉